

西南稀見方志文獻

第五卷

中國西南文獻叢書



中國西南文獻叢書·第一輯

西南稀見方誌文獻

第五卷



本輯主編：林超民

張學君

王水喬

副主編：高衝 尹波

陳寶生 蕭霽虹

王強

本卷目錄

四川通志 五 [清] 常 明 楊芳燦等修纂……………

一

【清】常明 楊芳燦等 修纂

四川通志

五

《重修四川通志二百四卷首二十二》，清常明、楊芳燦等修纂。本書據清嘉慶二十一年（公元一六七三年）木刻本影印，原書成品尺寸爲二十四厘米乘十六厘米，版框尺寸爲十九厘米乘十二點五厘米。

四川通志卷九十一

武備志十

邊防二

建昌道

漢武帝元鼎六年開邛都夷以爲邛都縣無幾而地陷爲汗澤因名爲邛池南人以爲邛河後復反叛元鼎六年漢兵自越嶲水伐之以爲越嶲郡其土地平原有稻田青蛉縣出同山有碧雞金馬光景時時出見俗多游蕩而喜謳歌略與牂牁相類

四川通志卷九十一 武備

邊防

一

豪帥放縱難得制御王莽時郡守枚根調邛人長貴以爲軍候更始二年長貴率種人攻殺枚根自立爲王殺王領太守事又降於公孫述述敗光武封長貴爲邛穀王建武十四年長貴遣使上三年計天子卽授越嶲太守印綬十九年武威將軍劉尚擊益州夷路由越嶲長貴聞之疑尚旣定南邊威法必行已不得自放縱卽聚兵起營臺招呼諸君長多釀毒酒欲先以勞軍因襲擊尚尚知其謀卽分兵先據邛都遂掩長貴誅之徙其家屬於成

部永平元年姑復夷復叛益州刺史發兵討破之

斬其渠帥傳首京師後太守巴郡張翕政化清平

得夷人和在郡十七年卒夷人愛慕如喪父母蘇

祈叟二百餘人齎牛羊送喪至翕本縣安漢起墳

祭祀詔書嘉美爲立祠堂安帝元初三年郡徵外

夷大羊等八種戶三萬一千口十六萬七千六百

二十慕義內屬時郡縣賦斂煩數五年卷夷大牛

種封離等反畔殺逐長令明年永昌益州及蜀郡

夷皆叛應之衆遂十餘萬破壞二十餘縣殺長吏

四川通志卷九十一 武備

邊防

二

燔燒邑郭剽略百姓骸骨委積千里無人詔益州

刺史張喬遷堪能從事討之喬乃遣從事楊竦將

兵至牁榆擊之賊盛未敢進先以詔書告示三郡

密徵求武士重其購賞乃進軍與封離等戰大破

之斬首三萬餘級獲生口千五百人資財四千餘

萬悉以賞軍士封離等惶怖斬其同謀渠帥詣竦

乞降竦厚加慰納其餘三十六種皆來降附竦因

奏長吏姦猾侵犯蠻夷者九十八皆滅死州中論

功未及上會竦病創卒張喬深痛惜之乃刻石勒

銘圖畫其像天子以張翥有遺愛乃拜其子端爲太守夷人惟喜奉迎道路曰郎君儀貌類我府君後端頗失其心有欲叛者諸夷耆老相曉語曰當爲先府君故遂以得安後順桓開廣漢焉類爲太守政化尤多異迹云

漢書

元鼎六年開梓都夷以爲梓都縣其人皆被髮左衽言語多好譬類居處畧與汶山夷同土出長年神藥仙人山圖所居焉元鼎六年以爲沈黎郡至天漢四年并蜀爲西部置兩都尉一居旄牛主徼

四川通志

卷九十一

武備

邊防

三

外夷一居青衣主漢人永平中益州刺史梁國朱輔好立功名慷慨有大畧在州數歲宣示漢德威懷遠夷自汶山以西前世所不至正朔所未加白狼槃木唐敢等百餘國戶百三十餘萬口六百萬以上舉種奉貢稱爲臣僕輔上疏曰臣聞詩云彼徂者岐有夷之行傳曰歧道雖僻而人不遠詩人誦詠以爲符驗今白狼王唐敢等慕化歸義作詩三章路經邛來大山高坂峭危峻險百倍歧道總負老幼若歸慈母遠夷之語辭意難正草木異種

鳥獸殊類有犍爲郡椽田恭與之習仲頌曉其言

臣輒合訊其風俗譯其辭語今遣從事史李陵與

恭護送詣闕并上其樂詩云昔在聖帝舞四夷之

樂今之所上庶備其一帝嘉之事下史官錄其歌

焉肅宗初輔坐事免是時郡尉府舍皆有雕飾畫

山神海靈奇禽異獸日眩耀之夷人益畏憚焉和

帝永元十二年旄牛徼外白狼樓薄蠻夷王唐增

等遂率種人十七萬口歸義內屬詔賜金印紫綬

小囊錢帛各有差安帝永初元年蜀郡三襄種夷

四川通志

卷九十一

武備

邊防

四

與徼外汗衍種并兵三千餘人反叛攻益陵城殺長吏二年青衣道夷邑長令田與徼外三種夷三十一萬口齎黃金旄牛毳毼土內屬安帝增令田爵號爲奉通邑君延光二年春旄牛夷叛攻零關殺長吏益州刺史張喬與西部都尉擊破之於是分置蜀郡屬國都尉領四縣如太守桓帝永壽二年蜀郡夷叛殺畧吏民延熹三年蜀郡三襄夷寇益陵殺長吏四年犍爲屬國夷寇界益州刺史山昱擊破之斬首千四百級餘皆解散靈帝時以蜀

郡屬國爲漢嘉郡 漢書

靈帝熹平五年蠻復反擁沒益州太守雍陽遣御史中丞朱龜將并涼勁兵討之不克朝議不能征欲依朱崔故事棄之太尉掾巴郡李融獻陳方策以爲可討帝乃拜融益州太守與刺史龐芝伐之徵龜還融將巴郡板楯軍討之皆破勝得生出後復更叛梓潼景毅爲益州太守承喪亂後民夷困餓米一斗千錢皆離散毅至安集後米一斗八錢

漢書

四川通志

卷九十一

武備

邊防

五

獻帝建安十九年蜀漢先主定蜀以鄧方治南昌夷漢敬其威信方卒先主問代於治中從事建寧李恢對曰西零之役趙充國有言莫若老臣先主途用恢爲都督治平夷縣先主薨後帝建興元年趙雲與帥高定殺郡將軍焦璜舉郡稱王以叛益州大姓雍闓亦殺太守正昂更以蜀郡張裔爲太守闓假鬼教曰張裔府君如孤壺外雖澤而內實粗殺之不可合縛與吳於是執送裔於吳吳王孫權遙用闓爲永昌太守遣故劉璋子關爲益州刺史

史處交益州際牂柯郡丞朱提朱褒領太守亦擁

郡反永昌五官掾功曹呂凱與府丞蜀郡王伉帥屬吏民閉境拒闓丞相諸葛亮以初遭大喪未便加兵遣趙藩太守巴西翼祿往安上縣進領郡從事蜀郡常順行部南入以都護李嚴書曉諭闓闓答曰愚聞天無二日土無二主今天下派分正朔有三遠人惶惑不知所歸其傲慢如此願至牂柯收郡主簿考訊褒因然願爲亂益州夷復不從闓閭使建寧孟獲說夷叟曰官欲得鳥狗三百頭磨

四川通志

卷九十一

武備

邊防

六

前盡黑鰐腦三斗斫木構三丈者三千枚汝能得不夷以爲然皆從闓斫木堅剛性委曲高不至二丈故獲以欺夷建興三年春亮南征自安上由水路入趙雲別遣馬忠伐牂柯李恢向益州以健爲太守廣漢王士爲益州太守高定自旄牛定犍卑水多爲孽守亮欲俟定軍衆集合并討之軍卑水定部曲殺雍闓及士庶等孟獲代闓爲主亮既斬定而馬忠破牂柯李恢按道建寧南人圖恢軍于昆明恢衆少敵倍丞相亮軍由越巂未得聲息乃

四川通志

卷九十一

武備

邊防

七

結謂南人曰官軍糧盡欲規退還吾南人不能復北欲還與汝等同計謀故以誠告南人信之圍守忠毅于是振出擊大破之追奔逐北南接槃江東至群柯與亮聲勢相連所在戰捷聞夏五月亮渡瀘進征益州生虜孟獲使觀於營陣之閒問曰此軍何如獲對曰向者不知虛實故敗今蒙賜觀看營陣若祇如此即定易勝耳亮以方務在北而南中好叛亂宜窮其詐縱使更戰七縱七擒而亮猶遣獲獲止不去曰公天威也南人不復反矣遂至漢池四郡皆平改益州為建寧以李恢為太守加安漢將軍領交州刺史移治味縣分建寧越嶲置雲南郡以呂凱為太守又分建寧群柯置興古郡以馬忠為群柯太守移南中勁卒青羌萬餘家於蜀為五部所當無前號為飛軍分其羸弱配大姓焦雍婁蠻五量毛李為部曲置五部都尉號五子故南人言四姓五子也以夷多剛狠不賓大姓富豪乃勸令出金帛聘策惡夷為家部曲得多者奕世襲官於是夷人貪貨物以漸服屬於漢成夷漢

四川通志

卷九十一

武備

邊防

八

部曲亮收其俊傑建寧蠻習朱提孟炎及獲為官屬習官至領軍炎輔漢將軍獲御史中丞出其金銀丹漆耕牛戰馬給軍國之用皆即其渠率而用之或以諫亮亮曰若畱外人則當畱兵兵畱則無所食一不易也加夷新傷破父兄死喪畱外人而無兵者必成禍患二不易也又吏累有廢殺之罪自嫌覺重若畱外人終不相信三不易也今欲吾使不畱兵不運糧而綱紀粗定夷漢粗安故耳自是軍資所出國以富饒三國志後帝建興十一年南夷劉昌反以安南將軍馬忠為督庾隆率將軍張疑討之戰鬪常冠軍首遂斬昌平南事訖群柯興古餘種復反忠令疑領諸營往討與內瑁降得二千人悉傳詣漢中初越嶲郡自丞相亮討高定之後夷數反殺太守龔祿焦璜是後太守不敢之郡只住安定縣去郡八百餘里其郡徒有名而已時論欲復舊郡除疑為越嶲太守疑將所領往之郡誘以恩信蠻夷皆服頗來降附北徼挺馬最驍勁不承節度疑乃往討生縛

其帥魏狼又解縱告喻使招懷餘類表拜狼爲邑侯種落三千餘戶皆安土供職諸種聞之多漸降服疑以功賜爵關內侯蘇祁邑君冬逢弟隗渠等已降復反疑誅逢妻施牛王女疑以計原之而渠逃入西徼渠剛猛捷悍爲諸種深所畏憚遣所親二人詐降疑實取消息疑覺之許以重賞使爲反間二人遂合謀殺渠渠死諸種皆安又祁都者帥李求承昔手殺龔祿疑求募捕得數其宿惡而誅之始疑以祁都字類壞更築小塢在官三年徙

四川通志

卷九十一

武備

邊防

九

邛故郡縉治城郭夷種男女莫不致力定作臺登卑水三縣去郡三百餘里舊出鹽鐵及漆而夷微久自固食疑率所領奪取署長吏焉疑之到定笮率豪狠岑榮木王舅甚爲蠻夷所信任忿疑自侵不自來詣疑使壯士數十直往收致捷而殺之持尸還種厚加賞賜喻以狠岑之惡且曰無得妄動動即殄矣種類咸面縛謝過疑殺牛饗宴重申恩信途獲鹽鐵器用周贍漢嘉郡界旄牛夷種類四千餘戶其率狼路欲爲姑壻冬逢報怨遣叔父離

將逢衆相度形勢疑逆遣親近齋牛酒勞賜又令離姊逆逢妻宣暢意旨離既受賜并見其姊姊弟歡悅悉率所領將詣疑疑厚加賞待遣還旄牛由是輒不爲患郡有舊道經旄牛中至成都既平且近自旄牛絕道梗已百餘年更由安上既險且遠疑遣左右齎貨幣賜路重令路姑喻意路乃率兄弟妻子悉詣疑疑與盟誓開通舊道千里肅清復古亭驛奏封路爲旄牛响毗王遣使將路朝貢後至于加疑撫戎將軍領郡如故

四川通志

卷九十一

武備

邊防

十

魏帝奐景元四年晉司馬昭并蜀仍以蜀南郡霍弋爲安南將軍都督南中弋善參毗之禮蜀漢末撫和異俗爲之立法施教輕重允當夷晉安之弋卒子在翼領其兵和諸姓晉以巴西太守吳靜在官數年撫卹失和軍司鮮于嬰表徵靜還嬰因代之晉泰始六年以益州大分南中四郡爲寧州嬰爲刺史咸寧五年尚書令衛瑾奏兼并州郡太康三年罷寧州置南夷以天水李毅爲校尉持節統兵鎮南中統五十八部夷族都監行事每夷供貢

四川通志

卷九十一

武備

邊防

十一

南夷府入牛金旃馬動以萬計皆豫作忿恚致校尉官屬其供郡縣亦然南人以爲饒自四姓子弟仕進必先經都監夷人大種曰昆小種曰叟皆曲頭木耳環鐵裹結無大侯王如汝山漢嘉夷也夷中有桀黠能言議屈服種人者謂之耆老使爲主論議好譬喻物謂之夷經今南人言論雖學者亦半引夷經與夷爲姓曰遑耶諸姓爲自有耶世亂犯法輒依之藏匿或曰有爲官所法夷或爲執仇與夷至厚者謂之百世遑耶思若骨肉爲其通逃

之數故南人輒爲禍變恃此也其俗徵巫鬼好詛盟投石結草官常以盟詛要之諸葛亮乃爲夷作圖譜先畫天地日月君長城府次畫神龍生夷及牛馬羊後畫部主吏乘馬幘蓋巡行安鄣又畫牽牛負石齋金寶詣之之象以賜夷夷甚重之許致生口直又與諸蠻鐵券今皆存每刺史校尉至齋以是詣勳亦如之毅後永昌呂祥爲校尉祥後數人李廣漢從雲南捷爲郡守爲校尉久之建寧太守巴西杜俊朱提太守梓潼雍約犍爲無治政以

四川通志

卷九十二

武備

邊防

十二

賄成俊奪大姓鐵官令毛詵中郎李督部曲致詵弟耐罪朱提大姓太中大夫李猛有才幹弟爲功曹分當察舉而俊約受都尉雷逢賂舉逢子焰孝廉不禮猛猛等怨之大安元年秋詵督猛逐俊以叛猛遣之書曰昔魯侯失道季氏出之天之愛民君師所治知足下追踵古人見賢思齊足下箕帚枉慚吾郡亦逐約應之作亂衆數萬殺討破之斬誅首督走依遑耶五茶夷帥于陵承猛箋降曰生長遐荒不達禮敬徒與李雄和光合勢雖不能營

師五丈畧地涪濱冀北斷襄斜東據永安退考靈符晉德長久誠非狂夫所能干輒表革面歸罪有司敕惡其言遂誘殺之行部永昌從事江陽孫辨上南中形勢七郡斗絕晉弱夷強加其土人屈塞應復寧州以相鎮慰冬十一月丙戌詔書復置寧州增統牂柯益州朱提合七郡爲刺史加龍驤將軍進封成都縣侯二年于陵承詒殺請恕督罪殺許之督至羣下以爲詵督破亂州土必殺之殺不得已許詒及督死于陵承及詵猛遑耶怒扇動謀

四川通志

卷九十二

武備

邊防

三

反奉建寧太守巴西馬恢爲刺史燒郡爲發救方疾作力出軍初以救恢及聞其情乃殺恢夷愈強盛破墳郡縣役吏民倉穀疾甚軍運不利晉民或入交州或入永昌牂牁半亦爲夷所困虜夷因攻圍州城穀但併力固孤城病篤不能戰討時李特李雄作亂益州而所在有事救援莫致穀上疏陳謝不能式遏寇虐疾與事逼使虜遊魂兵穀既單器械窮盡而求救無望坐待殄斃若必不垂矜憂乞請大使及臣尙存加臣重罪若臣已死陳屍爲戮光熙元年春三月穀薨子釗任洛還赴到牂牁路塞倖任交州交文武以穀女秀明達有父才途奉領州事秀初適漢嘉太守廣漢王載載將家避地在南故共推之又以載領南夷龍驤參軍秀獎厲戰討食糧已盡人但茹草炙鼠爲命秀伺夷怠緩輒出軍掩破首尾三年釗乃得達丁喪文武復逼釗領州府事穀故吏毛孟等詣洛求救至欲自刎懷帝乃下交州使救助之以釗爲平寇將軍領南夷護軍遣御史趙濤贈穀少府諡曰威侯交州

四川通志

卷九十二

武備

邊防

四

刺史吾彥遣子威遠將軍咨以援之朝廷以廣漢太守魏興王遜爲南夷校尉寧州刺史代穀自永嘉元年受除四年乃至遜舉建寧董敏爲秀才郡久無太守功曹周悅行郡事輕敏不下其板遜至怒殺悅悅弟秦滅長周易合夷叟謀以趙濤父混昔爲建寧有德惠欲殺遜樹濤遜誅之并殺濤夷晉莫不惶懼表釗爲朱提太守治南廣禦雄時荒亂後倉無斗粟衆無一旅官民虛竭繩紀弛廢遜惡衣菜食招集夷民夷徼厭亂漸亦返善勞來不怠數年克復以五茶夷昔爲亂首圖討之未有致罪會夷發夜郎莊王墓遜因此遂討滅之及討惡獠剛夷數千落威震南方官至平西安南將軍又兼益州刺史加散騎常侍封褒中伯而嚴猛太過多所誅鋤健爲太守朱提雷灼流民陰貢平樂太守董霸破牂牁平夷南廣北降李雄建寧爰量與益州太守李易梁水太守董愷保興古榮南以叛雄遣叔父驥破越嶲伐寧州遜使使督護雲南姚岳距驥於螳螂縣遠遜指授雖大破驥不獲太興

四川通志

卷九十一

武備

邊防

五

四年遜發病薨州人推中子堅領州事永昌元年
晉朝更用零陵太守南陽尹奉爲寧州刺史南夷
校尉加安西將軍奉威刑殺鈍政治不理咸和八
年遂爲亂第壽所破獲南中盡爲雄所有惟牂牁
謝恕不爲壽所用遂保郡獨爲晉官至撫夷中郎
將寧州刺史冠軍是歲咸和八年也 華陽國志
唐高祖武德九年益州獠反劍南諸獠自武德貞
觀間數寇暴州縣者不一巴州山獠王多馨叛梁
州都督龐玉梟其首又破餘黨符陽白石二縣獠
其後益州獠反益州行臺郭行方大破之未幾又
破洪雅二州獠俘男女五千口是歲益州獠亦反
都督竇軌請擊之太宗報曰獠依山險當拊以恩
信脅之以兵威豈爲人父母意耶貞觀七年東西
王洞獠反以右屯衛大將軍張士貴爲龔州道行
軍總管平之十二年巫州獠叛龔州都督齊善行
擊破之俘男女三千餘口是歲巴洋集壁四州山
獠叛攻巴州遣右武侯將軍上官懷仁破之于壁
州虜男女萬餘明年遂平十四年羅賓諸獠叛以

四川通志

卷九十一

武備

邊防

六

廣州都督黨仁宏爲賓州道行軍總管擊之虜男
女七千餘人太宗再伐高麗爲船劍南諸獠皆半
役雅邛眉三州獠不堪其擾相率叛詔發隴右峽
兵二萬以茂州都督張士貴爲雅州道行軍總管
與右衛將軍梁建方平之高宗初炎州獠叛梓州
都督謝萬歲冤州刺史謝法興黔州都督李孟嘗
討之萬歲法興入洞招慰遇害顯慶三年羅賓生
獠酋領多胡桑率衆內附上元末納州獠叛寇故
茂都掌二縣殺吏民焚厩舍詔黔州都督發兵擊
之貞元中嘉州綏山縣婆籠川生獠首領甫枳兄
弟誘生蠻爲亂剽居人西川節度使韋臯斬之招
其首領勇于等出降或請增柵東凌界以守臯不
從曰無戎而城害所生也獠亦自是不擾境戎瀘
閒有葛獠居依山谷林箐踰數百里俗喜叛州縣
撫視不至必合黨數千人持排而戰奉酋帥爲王
號曰婆能出入前後植旗大中末昌瀘二州刺史
貪省以弱緡及羊羶獠市米麥一斛得直不及半
羣獠訴曰當爲賊取死耳刺史召二小吏楊之曰

四川通志

卷九十一

武備

邊防

七

皆爾屬爲之非吾過獠相視大笑遂叛立酋長始
艾爲王踰梓潼所過焚剽刺史劉成師誘降其黨
斬首領七十餘人餘衆遁至東川節度使柳仲郢
諭降之始艾稽首請罪仲郢貫遣之當時黎邛二
州之東又有凌蠻西有三王蠻蓋笮都夷白馬氏
之遺種楊劉郝三姓世爲長襲封王謂之三王部
落蠻贊而居號綢舍歲稟節度府帛三千匹以詞
南詔南詔亦密賂之悅成都虛實每節度使至會
長來謁節度使多奏威惠所懷以罔天子也前謁
必請於都押衙且聽命都押衙不令者輒詆其叛
常倚三王部落求姑息至唐末益甚雅州西有通
吐蕃道三日夏陽曰靈松曰始陽皆諸蠻錯居凡
部落四十六距州三百餘里之外有百坡當品嚴
城中川錯矣昌通錯井七部落四百餘里之外有
羅巖當馬三井東鋒名耶鉗恭畫重羅林龍羊林
波林燒龍逢索古致川驚川禍船不燭十七部落
五百餘里之外有諸祚三恭布嵐欠馬論川讓川
遠南卑盧慶龍躍川全川東京梁西嘉梁十三部

四川通志

卷九十一

武備

邊防

六

落六百餘里之外有椎梅作重禍林金林邏達五
部落皆羈縻州也以首領襲刺史楊州新安城傍
有六姓蠻一曰蒙蠻二曰夷蠻三曰訛蠻四曰狼
蠻餘多邛及白蠻也戎州管內有馴騁浪三州大
鬼主董嘉慶累世內附以忠謹稱封歸義郡王貞
元中狼蠻亦請內附補首領浪沙爲刺史然卒不
出劍南西川節度使韋皋檄嘉慶繫押狼蠻又有
魯望等部落徙居戎州馬鞍山阜以其遠邊微戶
給米二斛鹽五觔北又有浪稽蠻羅哥谷蠻東有
婆秋蠻烏皮蠻南有離東蠻鍋鏝蠻西有磨些蠻
與南詔越析相姻婭自浪稽以下古滇王哀牢雜
種其地與吐蕃接亦有如羌古白馬氏之裔劍山
當吐蕃大路屬石門柳疆二鎮置戍守捉以招討
使領五部落一曰彌羌二曰鑠羌三曰胡叢其餘
東欽磨些也又有夷望鼓路西望安樂湯谷佛蠻
虧野阿醯阿鴨鉞蠻林井阿異十二鬼主皆隸嵩
州又有奉國直伽十一部落春秋受賞於楊州然
挾吐蕃爲輕重每節度使至諸部獻馬酋長衣虎

四川通志

卷九十一

武備

邊防

九

皮餘皆紅髻束髮錦纈襖牛臂既見請匹錦斗酒折草招父祖魂以歸鄉里及還裹錦植馬上而去又有顯養東魯諸蠻永徵三年與胡叢皆叛高宗以右驍衛將軍曹繼叔爲嵩州道行軍總管戰斜山拔十餘城斬首七百獲馬犂牛萬千又有勿鄧地方千里爲卅部六姓一姓白蠻也五姓烏蠻也又有初裏五姓皆烏蠻也居卅部臺登之閒婦人衣黑縉其長曳地又有欽蠻二姓皆白蠻也居北谷婦人衣白縉長不過膝又有栗蠻二姓雷蠻三姓夢蠻三姓散處黎傷戎數州之鄙皆隸勿鄧勿鄧南七十里有兩林部落有十低三姓阿屯三姓廡望三姓隸焉其南有豐琶部落阿諾二姓隸焉兩林地雖陋而諸部推爲長號都大鬼主勿鄧豐琶兩林皆謂之東蠻天寶中皆受封爵及南詔陷嵩州遂羈屬吐蕃貞元中復通款以勿鄧大鬼主苴蒿兼卅部團練使封長川郡公及死子苴驃離幼以苴夢衝爲大鬼主數爲吐蕃侵獵兩林都大鬼主苴那時遣韋臯書乞兵攻吐蕃臯遣將劉朝

四川通志

卷九十一

武備

邊防

十

彩出銅山道吳鳴鶴出清溪關道鄧英俊出定蕃棚道進逼臺登城吐蕃青海臘城二節度軍於北谷青海大兵馬使乞藏遮遮臘城兵馬使悉多楊朱節度論東柴大將論結突黎等皆戰死執龍官四十五人鎧仗一萬牛馬稱是進拔于葱棚乞藏遮遮尙結贊子也以尸還其下囊貢節度蘇論百餘人行哭使一人立尸左一人問之曰瘡痛乎曰然卽傳藥曰食乎曰然卽進膳曰衣乎曰然卽命裘又問歸乎曰然以馬載尸而去詔封苴那時爲順政郡王苴夢衝爲懷化郡王豐琶部落大鬼主驃傍爲和義郡王給印章袍帶三王皆入朝宴麟德殿賞賚加等歲給其部祿鹽衣綵黎傷二州吏就賜之以山阻多爲盜侵亡失所賜臯令二州爲築館有賜約酋長自至授賜而遣之然苴夢衝內附吐蕃斷南詔使路臯遣嵩州總管蘇危以兵三百召夢衝至琵琶川聲其罪斬之披其族爲六部以樣乘主之及苴驃離長乃命爲大鬼主驃傍年少驍敢數出兵攻吐蕃吐蕃聞道焚其居室部落